

zeit/wil ich euch herein bringen/ vnd euch zur selbigen zeit/ vnter allen Völkern der Erden/  
wil euch zu lob vnd ehre machen vnter allen Völkern der Erden/  
wenn ich ewr Gefengnis wenden werde/ für ewern  
augen/ spricht der HERR.:

Ende des Propheten Zephan Ja.

## Vorrede auff den Pro- pheten Haggai.



**H**aggai ist der erste Pro-  
phet so nach dem gefengnis Babel dem Volck gegeben  
ist/ Durch welches Weissagung/ der Tempel vnd Gottes  
dienst wider angerichtet ward. Da zu im hernach vber  
zween monden/ Sachar Ja zum Gesellen gegeben ward/  
Auff das durch zweier Zeugen munde / Gottes wort des  
ste gewisser geglaubt würde. Denn das Volck war fast in  
zweiuel gefallen/ Ob der Tempel solt widerumb gebawet werden.

**W**ir achten/das von diesem Propheten/ Daniellis am. ix. gesagt sey/  
da er spricht/ Von der zeit an/ so der Befelh ausgehet/ das Jerusalem sol widerumb  
gebawet werden/ bis auff den Fürsten Christum/ sind sieben wochen/ vnd  
zwo vnd sechzig wochen etc. Denn wiewol zunor auch durch den König Cores  
ein Befelh war ausgegangen/ Das man zu Jerusalem solt von seiner (des Königs)  
kosten den Tempel bawen / so wards doch verhindert / Bis auff Haggai vnd  
Sachar Ja zeit/ Da Gottes befelh ausgieng/ durch jr Weissagung / da giengs  
von staten.

**E**rschilt aber das Volck/das sie den Tempel vnd Gottesdienst anzurichten  
nicht geacht/ Sondern allein auff ihre Güter vnd Denker vleissig gezeitzt hat  
ten. Darumb sie auch geplagt wurden mit Trewerzeit/ vnd schaden an Bes  
wechs/ Weins/ Korns vnd allerley Getreids. Zum Exempel allen Gottlosen/ die  
Gottes Wort vnd Dien stnichts achten/ vnd jmer in jren Sack geitzen. Solchen  
allen gilt dieser Text/ da er sagt/ Ir Sack sol löchericht sein.

**S**o findet man auch in allen Historien/ Wo man Gottes Diener nicht nee  
ren wil / noch sein Wort helffen erhalten / Da lesst er sie getrost geitzen für sich  
selbs vnd jmer samlen/ Aber er macht doch zu letzt den Sack löchericht/ vnd bleset  
drein/ das es zusteubet vnd zurinnet / das niemand weis / wo es bleibt / Er wil  
auch mit essen/ Oder sie sollen auch nicht zu essen finden.

**E**r weissagt auch von Christo / im .ij. Capitel / das er schier komen solt/ ein  
Troft aller Heiden. Damit er heimlich anzeigt / Das der Jüden Reich vnd  
Besetz solt ein ende haben/ vnd aller Welt Königreich zerstöret / vnd Christo vne  
terthan werden / Welchs bisher geschehen ist / vnd bis an Jüngsten  
tag jmer geschicht / Da wirds denn alles erfüllet werden.

Man